

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CXXII.

[urn:nbn:de:bsz:31-122744](#)

enim? Annon virtutes omnes omittere, adeoque ipsa omissione graviter peccare; annon odiſſe DELIM, colere Diabolum & ~~et~~ alias ~~magy. tu. ut. i. u. r. t. a.~~, intellectum imbuere erroribus veritati cœlesti contrariis, voluntatem blasphemis & contemptu legum Divinarum, profanare Sabbathum, proximum maledictis & imprecationibus incessere, odio seipsum consumere, perpetuā cum fratribus discordiā, superbiā, inobedientiā, impatiētiā, ingratitudine, invidiā, iracundiā, immisericordiā, ~~ix. u. e. u. r. x. l.~~ vindictæ cupidine, mendacio, calumniā flagrare; annon hæc & alia hujusmodi peccata sunt, eaque actualia, etiam si eorum numero, quæ supra recensuimus, non comprehendantur? Præterea, quamquam lingua damnatorum ignita futura est, non tamen ideo loqui & strigere eandem contra justissimum Numen cessabunt, sicut epulo non ideo loqui desit cum Abrahamo. Quemadmodum enim ignis infernalis, corpus ipsum damnatorum & vitam, cui alias intercipiendo aptus natus est, non extinguet: ita neque corporis operationes & actiones vitales. Et quamquam non occidere manu & furari brachio & moechari corpore valebunt, animo tamen & intentione hæc singula eos perpetrare non posse, nondum probatum est; quæ tamen interiora peccata æquo pondere cum exterioribus æstimat Christus, Matth. V. 22.28.34.39.44. Et esto, injuriis damnatos impetrare non posse damnationis socios, poterunt tamen DEUM, angelos atque beatos, sicut & appetere rem alienam, id est, æternum beatorum gaudium. Ex quibus omnibus, nisi fallor, ad oculum patet, quam lubricis innitatur fundamentis palmarium hoc, ut prima specie videtur, argumentum, adeoque plus promittat in fronte, quam habet in recessu.

CXXII. Argumentum decimum septimum ex Psal. XLIX, desumptum hoc est: Qualis est mors bestiarum, relata ad vitam, quæ mortem antecessit, talis quoque est interitus impiorum, inspectu ad eorundem vitam consideratus. At illorum mors privatio est omnis actionis vitalis & rejectio à facie hominum. Ergo. Ad quod respondetur, I. hoc argumento concludi, ne quidem viēturos amplius esse post mortem damnatos, sive quoad animam, sive quoad totum compositum, si resurrexerint olim, consideratos. Quemadmodum enim oves in cloacas projectæ, vita animæ non

anti-

amplius vivunt, corpore verò à morte paulatim consumuntur, dō nec in nihilum prorsus fuerint redactæ: ita impiorum anima cum corpore simul interibit, cadaver verò in infernalem ignem congettum, quousque in pulverem abierit, à morte paulatim conficietur. Quod quia absurdum est, comparationem Davidicam intra certos terminos coerceri, nec ultra scribentis intentionem extendi, necesse est. II. Igitur partim ex innatâ vi atque significatione vocum, partim ex consideratione contextus, liquidissimè patet, primò & immēdiatè nonnisi quoad naturalem mortem, ejusque effectum proximum, cessationem scilicet ab actionibus hujus vitæ, damnatos ovibus conferri, hoc sensu: Quamvis impii longam, (vers. 12.) & tantum non perpetuam sibi polliceantur vitam, vanam tamen eorundem spes est, (vers. 13.) quia nihilominus, cum brutis similem duxerint vitam, brutorum instar interibunt. Etsi verò (vers. 14.) successores eorum hanc ipsam, quantumvis pessimam vitam maximâ cù stoliditate collaudent; ipsi tamen nihilominus (vers. 15) in sepulchrum, (quod, ceu notum est, ἡλώ frequentissimè dicitur) conduntur, veluti putride oves, quæ terra, ne in naribus nostris fœteant, obruuntur, ut qui furere contra omnes consueverunt, furere desinant, & qui omnes voraturi erant, deinde à tetrâ morte ipsi vorentur (quà loquendi ratione inprimis ad alteram impiorum partem, corpus respicitur, quod à veribus absuntur) & qui tyrannidem in probos crudeliter exercuerant, ipsorum denique dominium subeant & patientur. Hoc enim est, quod dicitur: & dominabuntur eis recti manè & figura eorum veterascat, in inferno à gloria eorum. Lutheri versio: Aber die Frommen werden gar bald über sie herrschen / und ihr Tross muss vergehen / in der Höllen müssen sie bleiben. Quem sensum non certè male representat apud Aug. Marloratum Jo. Calvinus: Valde apposita, inquiens, similitudo, descendere istos homines in sepulchrum. Nam vix superba homini sufficit totus orbis; adeo vanis suis segmentis turgent singuli, ut ferè proprium sibi solem, aërem, terram seorsim appetant. Ab illo immenso fastu, quo se longè latèque extendunt Propheta eos, quasi oves, coacervat in sepulchrum, & morti pascendos tradit. Sensus ergo est: quum sibi primatum usurpent inter homines, venturos tamen sub jugum mortis, ut serò discant, de gibili se suisse gloriosos. Nam prostratos jacere sub tyrannide rigoris, mise-

rior est servitus ac sedior, quam subesse quibuslibet hominum imperiis. Et
 miserrima transmutatio est, quod, qui hic in summis agunt deliciis, apud in-
 feros sint futuri pabulum mortis. Ex quibus omnibus palam est, in-
 ferri hinc non posse: impii ovibus assimilantur, in eo, quod per-
 æquè ac oves tandem ex hac vitâ decedere, condi tumulo & cessa-
 re à superbis hujus vitæ actionibus illos oportet; Ergo in inferno
 quoque nihil amplius æsturi, & sic nec peccaturi sunt. III. Non
 diffitemur, multos ex veteribus de infernalibus pœnis hunc lo-
 cum exposuisse, neque etiam adeò ipsi refragamur, si quis amplia-
 re vocum significationem & hoc sensu intelligere velit: sicut o-
 ves inutiles sepulcro reponuntur; mors naturalis corpus eorum
 exedit & æterna animam, donec utraque integrum quondam ho-
 minem in inferno depascat. S. Hieronymus, Tom.IIX. pag. 71.
 Sicut oves in inferno positi sunt, mors depascat eos. Merito à mor-
 te depascuntur, qui Christum noluerunt habere pastorem. Et domina-
 buntur eis justi in matutino. In resurrectione. S. Augustinus,
 Tom.IIX.p.455. Sicut oves in inferno positæ, mors pastor est eis.
 Quibus? illis, quorum via scandalum ipsis. Quibus? illis, qui præsentia so-
 la attendunt, dum futura non cogitant; illis, qui vitam non putant, nisi istam,
 quæ mors dicenda est. Non igitur immerito, tanquam oves in inferno, mor-
 tem habent pastorem. Quid est, mortem habent pastorem? Mors enim ali-
 qua res est, aut aliqua potestas est? Mors nempe separatio animæ à corpore.
 Mors equidem, quam timent homines separatio est animæ à corpore. Mors
 autem verè, quam non timent homines, separatio est anima à DEO. Et ple-
 rumque cum timent homines istam, quæ separat animam à corpore, incident
 in illam, ubi anima separatur à DEO. Hec est ergo mors. Quomodo au-
 tem mors pastor est illis? Si vita Christus est, mors Diabolus. Habemus au-
 tem multis locis in Scripturâ, quia vita est Christus. Mors autem Diabolus
 est, non quia ipse mors est, sed quia per illum mors. Sive enim illa, in qua
 lapsus est Adam ipsis persuasione, homini propinata est, sive ista, in qua sepa-
 ratur anima à corpore; ipsum habent authorem, qui primò per superbiam
 cadens invidit flanti & morte invisibili deject flantem, ut etiam morte invisi-
 bili perderet. Ad eum pertinentes, pastorem mortem habent, nos autem, qui
 de futurâ immortalitate cogitamus, & non sine causâ in fronte signum crucis
 Christi portamus, non habemus pastorem, nisi vitam. Infidelium pastor mors,
 fidelium pastor vita. Bernhardus, Serm. II. de verb. Apostoli: non
 est

Est regnum DEI cibus & potus: p. 548. Sicut oves in inferno positi sunt, mors depascet eos. Quam benè, sicut oves? Quia detracto vellere mundialium divitiarum, dure preseque detonsi, semper nudi deputabuntur incendis. Mors depascet eos: quia semper morientur ad vitam & semper vivent ad mortem. Ergo hic caro vermis, illic anima ignibus deputatur, donec rursus infelici collegio colligati, tormentis paenitibus socientur, qui soci fuerunt in virtutis. Ex hodiernis Joh. Brentius, vir, ut prorsus eruditus, ita præcipue in explicandis Scripturæ sensibus sine exemplo felix & jucundus, Tom. III. p. 591. Collocabuntur, inquit David, impii in fovea, in sepulcro, in inferno, in perpetua videlicet interneccione. Quemadmodum enim grex ovium cogitur in unum stabulum, in quo una ita concluduntur, ut non licet eis, quo liber, evagari: ita impii concipientur in unam foveam, in unum sepulcrum, hoc est, in infernum, ut ibi perpetuo detemi, non queant amplius evadere, quia mors, non illa tantum corporalis, sed etiam eterna depascet & absument eos, immo vero non absument, sed cruciatu in sempiternum durabili affliget eos. Quemadmodum Paulus ait, dabunt in interitu eternas penas à facie Domini & à gloria virtutis ejus, ut nihil aliud reliquum sit, quam quod impii omni suā fortitudine & robore destruantur, omni suā fiduciā pudefiant, omni suā gloriā, quā fruebantur quondam, exuantur & eternā perditione crucientur. Sed vero negamus consequentiam: mors eterna depascit damnatos; ergo non peccant: & dicimus contrarium potius sequi. Nam mors eterna amplitudine suā peccatum includit, sicut §. LVI. ex S. Literarum fundamentis & consensu Augustini atque aliorum probatum est. Neque IV. alia est loci Petrini sententia, quippe in quo bestiali vitae bestiale convenire exitum pronunciatur, quod vero ad pecularem exitus modum non est extendendum. Reclē & eleganter ad h.l. Imman. Tremellius & Fr. Junius: *Graphica eorum pictura, in quā bestiis comparantur, idcirco natis, ut dum ventris student, sese in laqueos indant perituras.* Nihil enim esse istis ignorantius, quamvis, que ignorant, audacissime vituperent; & fore, ut bestiarum exemplo, iis ipsis voluptatibus, quibus delectantur & Ecclesia cœtum contaminant, exitium sibi ipsis accersant.

CXXIII. Ad argumentum decimum octavum, respondetur, I. Non esse unam veterum atque recentiorum de hoc loco Davidico interpretando sententiam. LXX. Interpretes verba sequentem in modum transferunt: *εἰς γένετα ἀριθμούς τοις οὐρανοῖς ἀπό;* Quam versionem suam facit Augustinus, Tom. II. p. 179. *Eru-*